

電牘主臬

第一編 軍政方面

白崇禧致電蔣中正等條陳對西北國防之意見

（按）自民國十七年北伐成功以後，白崇禧所部軍隊駐平津時，曾有電致蔣中正等，對於新疆問題，言之甚爲詳盡，茲覓得全文，照錄如左：

南京國民政府蔣主席。（中正）暨各院院長。馮總司令（玉祥）。閻總司令（錫山）。漢口李總司令（宗仁）。廣州李部長（濟棠）鈞鑒。崇禧無狀。自津東殘敵肅清。北伐完成後。即電呈蔣主席。請予解除戰時指揮職務。冀得早卸仔肩。乃蒙李部長吳主任。（忠信）先後轉來蔣主席電。令暫駐平津。收束所部。旣而陳真如（銘樞）軍長齋譚。胡。張。李。孫諸公手教北來。不以崇禧爲不肖。而以西北國防垂詢。崇禧對於西北國防意見及志願。曾於覆譚胡諸公書中。略致微意。茲更

就國防深遠之意義。尤其關於西北方面者。謹爲鈞府扼要陳之。乞垂察焉。

健全民國組織——中華民國本合五族組織。各族之盛衰安危。謀國者自當兼顧統籌。一體重視。故總理建國大綱內有云。對於國內弱小民族。當扶植之。對於國外侵略強權政府。當抵禦之。今試觀五族所處地位。除漢族十九居本部十八省不論外。餘則關東三省爲滿族舊地。久爲日人勢力所包圍。陰山南北爲蒙族所居。已困窘於俄人羈勒之中。前後衛爲藏族之地。亦被逼英人暴力之下。惟有天山南北路。回族聚居者甚多。自清光緒七年向俄索還伊犁。嗣又改設新疆行省。回民雖得安處亙三十餘年之久。然近數年來。蘇俄不得志於近東。轉其鋒以南向。對新疆百出陰謀。使回民進於危險。查新疆人口共約三百餘萬。回民實居四分之三以上。性質尙勇好義。富於團結力。且以宗教之關係。近且與東歐之土耳其。中亞之阿富汗。波斯等國。交通聲氣。如果我注意邊境。提携並進。使其得安居樂業。免受外人壓迫之苦。深知五族共和之益。則不惟吾圉可固。即將來歐亞二洲弱小民族之聯合。皆可

於此握其樞紐。不然坐視莫理。一旦爲人利用。則唐宋各代。邊患往事可鑒。能無寒心。況新疆北連蒙古。唇齒相依。南接西藏。輔車相助。故新疆穩固則蒙藏自安。赤縣神州。金甌無缺。此爲扶植國內弱小民族。健全民國組織計。請注意於西北國防者一。

民族生存計劃——國於現代。欲在經濟上避免壓迫。膨脹勢力則以發達工商業爲第一要圖。然最後勝利必歸於實力富厚之國家。查我國土地總面積三千四百九十餘萬方里。佔亞洲四分之一。而東三省。蒙古。新疆。西藏之幅員。廣袤較本部十八省超過一倍有半。今本部東南各省生齒日蕃。將有人滿之患。邊疆則荒原曠野。一望無垠。即以新疆論之。面積有江蘇十六倍之大。人口與江蘇相較。則僅十與一之比。苟能設法開闢。力籌邊防。使外人無所逞其陰謀。肆其侵佔。則內地過庶之人口。隨時皆可移殖邊荒。於國計民生。俱有莫大之利益。此爲國家繁榮。民族生存之久遠計。請注意於西北國防者二。

發展歐亞交通——新疆爲中國與西方交通孔道。自漢張騫通西域。已發其端。比及唐代。交通較前爲盛。元代盛時。來往極爲頻煩。惟明代以來。海道交通。中國與歐洲之距離。爲之縮短。始於沿海諸省爲門戶。新疆反退爲後庭。現在世界因鐵路及航空事業之發達。陸地空中之交通。均爲各國所重視。若總理西北鐵路統系直達歐洲之大計劃實現。或歐亞長途航空站成立。由太平洋岸前往歐洲者。以取道新疆爲最近。則歐亞交通關係。固不止恢復舊觀。其發皇光大。以視往昔。更當超越倍蓰。新省位置之重要。實非意想所能及。謀國者應當高瞻遠矚。未雨綢繆。此爲發達歐亞交通。實現總理計劃計。請注意於西北國防者三。

石油新疆最富——現代商業及軍事之競爭。每以石油問題爲焦點。而海軍之戰鬥力。大部取決於此，故世界弱國。多以石油而致禍。如波斯被英俄分裂。土耳其以摩蘇問題。啓列強之糾紛。墨西哥因油礦遭美國覬覦。日本敗俄。必取庫頁。無一不與石油問題。有密切之關係。中國產石油地以新疆爲最富。我不早自爲謀。人爲